

書號	
冊	二六六七九
	一
	八

橋山城形分疆建目舊  
 梁川池勢野域置錄序  
 卷一

Ex 140-249  
 39  
 新-1-8

# 重脩陽穀縣誌

董政華題



民國三十一年印

陽穀縣志

董政華題

陽穀縣志舊序

今之邑卽古諸侯之國也國必有史邑可無志乎是故周官天下之圖掌之於職方氏四方邦國之志掌之內外史然匪徒紀山川地利以知要害而已蓋所以備採訪垂鑒戒彰風化贊朝廷之盛治者也故鄒魯典籍大備見稱於宣子杞宋文獻不足見惜於仲尼是志之關於世道甚重顧可慢之而不修已乎穀邑無志邑侯靜虛劉公用是歎焉旣而河間張歷田公承命整戎於下車臨清按廵索志蓋欲考古觀風也得民間抄本散逸錯落絕不成書愕然曰是邑向帝丘而背聊關左會河而右朝野在古爲名地在今爲巨鎮獨無志可乎迺進劉公請邑俊致政大夫李北墅先生考訂纂集事竣余除先母宜人憂促裝北行問劉公來曰志必有序其來尙矣邑志成先生爲我序之余謁北墅請觀其分野昭天文也山川昭地利也沿革昭常變也建置昭制度也廟宇昭正祀也樓臺昭儉素也賦稅昭貢法也戶口昭徭役也土陽穀縣志

卷之一 序

濟南翰墨齋南紙印刷局製印

產昭財貨也風俗昭禮義也人物昭賢良也節義昭正氣也武備隱逸等總三十餘條悉實而能華簡而能備微而能顯得古良史之規範焉因賀之曰成千百年之曠典於旬月之間眞有以備採訪垂鑒戒彰風化三君子之功豈淺鮮者哉余獨惜賢哲之寥落未有窮於斯志者也自春秋底今二千餘祀宦於斯者豈止千百生於斯者豈止億兆然而名宦僅元之孟公遵道李公謙我朝之劉公洪黃公元和而已鄉賢則于公睿而已其人才之難何至是哉或曰緣無志湮微泯沒耳嗚呼使如孔顏曾孟龔黃卓魯孰得而湮微孰得而泯沒是故無賢哲也有則必有稱述之者矣余獨喜夫志成之後宦於斯生於斯者必將閱志求實指而議之曰某也清慎勤可法也某也慈惠良可思也某也貪暴可惡也某也輕浮可鄙也某也柔懦可懲也某也不學無術可羞也其必砥礪奮發振拔上達而惡居下流賢哲齊出踵至而爭光斯至於無窮矣不然寧不有負於歷田公北墅公靜虛公之望也乎

嘉靖丙申季冬閏月邑人長春子張恂序

陽穀縣志

卷之一 序

二

濟南翰墨齋南紙印刷局製印

序

嘉靖丁酉春陽穀志成予有滇南之行由陸歸穀省先君之墓邑侯劉君以序屬予予謂邑之有志猶國之有史不可缺者也志古所以昭今志今所以示後不病其樸而不華而病其誕而弗實不病其簡而不備而病其僞而失真不病其雜而弗倫而病其私而弗公斯三者作史之大患雖有弗傳雖傳弗永非史氏所深戒者耶矧疆域志而地理昭山川志而形勝見戶口志而虛實分田賦志而貧富著人物志而幽宥顯祠宇志而祀典明官制志而職守辨斯數者一邑之至要蒞斯邑者不可不知焉至於官之臧否俗之好尚古今文章事蹟凡可以資考據而示勸懲者尤所當志顧可以易爲耶吾邑開創百七十餘年尙未有志宦吾邑者固多賢每以邑志未成文獻失徵是恨嘗與一二耆宿纂集繕錄成帙者屢矣又以魯魚亥豕是患卒未梓行深澤劉君以名進士宰吾邑越三載政通人和百廢俱舉乃以邑志託之北墅陽穀縣志

卷之一 序

三

濟南翰墨齋南紙印刷局製印

李公纂集之李公取舊志而大加增損書成予見其考訂詳而弗陋著述實而弗妄其臧否人物不必直書而因事考實賢否自明誠一邑之信史也欲知吾邑者不必旁搜博訪一展卷間一邑大概宛然在目北墅其有功於吾邑者乎予以邑人嘉缺典之有成故序其始末如此顧不以不文辭也賜進士第通議大夫雲南按察司按察使前河南道監察御史侍經筵官邑人吳

鑑書

序

北墅子曰志外史也夏有禹貢周有職方秦漢以下或圖或志代代相因弗替弗失我朝亦因之著一統志頒天下天下則焉各著其志在藩省曰總志在府州曰郡志在縣曰邑志非徒飾吏事炫世之耳目已也蓋天所覆地所載禹跡所及者引縮縱橫條悉萬出是故邑所宜志者郡弗得而什一也郡所宜志者省弗得而什一也省所宜志者天下弗得而什一也刪而愈刪約而愈約邑志可弗作乎陽穀古齊宋會盟之所厥後孔孟之道德漸濡親炙海岱之精靈不限於遐播遺化攸薰遺英攸萃而其民俗之惇信士風之惇直土田差賦之煩重較諸海宇花封得無相與伯仲者耶是其志之作弗容已也邑侯劉公靜虛索舊傳稿志請北墅子復加考證且致兵憲張公歷田拳拳欲成之意北墅不辭緣稿目實績疏其滯補其遺一其二三繁亂爲卷有五爲目三十有二因繫蠡識區區以著厥由更有缺略後可潤色者統宜陽穀縣志

卷之一 序

四

濟南翰墨齋南紙印刷局製印

俟夫後之君子云時

嘉靖丁酉孟春望於北墅李際元書於三在堂

重修陽穀縣志舊序

余不佞待罪河東以有祝釐之行事竣歸里適陽穀重修志成邑范公走書徵序於余以識歲月余弗文烏足以辱篇端乎哉已而讀志不覺作而言曰懿哉范侯之用心乎可以觀政矣蓋聞君子之蒞政也不務炫耀之虛名而務修舉之實績不徒粉飾於目前而期昭垂於久永故因時以修政而考政以詔後非仁人之用心不能也公之令於穀者二年矣精明愷悌勤於吏事諸凡綱紀犁然就理而葺學造土建倉儲粟尤其大端頃又加意審編減徭役以蘇民困興衰救弊而穀邑之政煥然一新矣因檢閱舊志嘆其未備謂日遠事異宜爲訂正乃委鄉紳宋王二君暨邑庠師儒重加纂輯目仍其舊而略者詳缺者補刪潤增修而穀邑之志亦煥然一新矣於戲公之用心非所謂務實績而期永久者耶余嘗慨久任超遷之法廢而官如傳舍賢者之設施每不克終卽終矣而繼之者人自爲政各行其意民卒不蒙其澤何怪

乎民生之日感也昔周公毖殷頑民遷於洛邑歷世三紀世變風移書稱之曰惟周公克慎厥始惟君陳克和厥中惟畢公克成厥終三后協心同底於道道洽政治澤潤生民使周公之後而非二后之協心則治洛之績隳矣然則公之修政而及於志也意深遠乎夫志也者識也譬之主人經理其家旣竭心思矣又懼後之人忘其所有也爲之紀籍以識之俾後人頃刻一覽而家之所有宛然在目肯堂肯構之志勃如也審如是則仁人相繼前後一心將俾穀邑之政日新月盛而愈增爲簡帙之光也則斯志之重刻也豈曰小補之哉余故喜而序之以告後之從政者公諱宗文號任吾洛陽人與余子宗啟同甲辰進士萬曆丙午歲仲冬日長至之吉賜進士第嘉議大夫分守河東道山西按察司按察使兼布政司右參議東阿喬學詩書

序

陽穀舊有志以歲久不無散逸殘缺之患觀者每以爲恨前守茲土者往往欲加重修限於邑務助勦未能也歲甲辰任吾范老父母以洛陽名進士出宰是邑甫下車庶政聿新百廢振舉因索邑志觀之慨然曰志者記也記載弗詳曷以示後卽有志於更新居數月乃進箴及蘇郡二守王君委以纂集之重箴承命唯唯遂取邑志細加檢閱悉從增損殘缺者補失次者正於凡建置之始末疆域之分畫民風之盛衰賦役之繁簡與夫戶口土田物產都社職官學校科貢人才諸有關於政體係於生民者靡不芟繁補遺分門別類乃若黌舍之修整生徒之振興倉庾之鼎新紫荆之創建又皆出自公之睿思擴前人所未暇者倚歎盛哉蓋天生豪傑固將畀之天地民物之重而爲豪傑者亦毅然以其身任天地民物之重而不辭則凡宏遠猷而敷經濟者自能竭精殫思以期報稱固非庸衆所能測識今觀公自履任以來以迄

陽穀縣志

卷之一 序

六

濟南翰墨齋南紙印刷局製印

於今舉凡興革措注設施鋪張無非培養國脈奠安民生之要務他若催科不事督責而輸納恐後聽訟不假敲扑而狡僞獻誠生養休息旬宣拊綏深仁厚澤沾濡優渥又非志之所能悉者公賢聲茂著內召在卽志之修不過甘棠峴碑係吾民深長之思耳志成將梓復屬以敘箴老耄弗能文勉述其概以識歲月云耳

萬曆丙午歲孟冬吉治下鄉官宋箴頓首謹書

重纂刊陽穀縣志舊序

結繩易而書契興國之史家之譜邑之志無地無之然史有專官日載實譜有宗子時紀世系志惟聽之邑令遞代如傳舍久暫異任能否異品往往目爲成帙歷數十年不經挾風俗人物月異歲改致令卜史如墜舟之劍舟行不知幾千里而劍猶故但存古蹟近事莫考卽今陽穀入我明盛官其土者無慮百數留心邑志僅載三令若孟若劉越歲固多范最居後亦已匝世余客歲秋冬之交除充通判明年春穀令肆覲以內艱歸俾余代庖時缺張秋河捕並委相攝漕輸舳舻銜尾奔走督促無暇晷其於穀志未遑覽忽河使輒以見索根尋原板藏諸梓人毀祖龍矣倉卒括得故家以應夏杪運竣乃搜舊本覓殺青氏重鐫之仍補續邇來仕宦之姓籍興作之因革其有功譽序碑記所存採續文藝類其有功城池各注本官姓字下至如寺建坊碑起樓角週蕭墻三大禮習儀儘足壯皇威勦建三皇廟使民知稼穡衣食之

陽穀縣志

卷之一 序

七

濟南翰墨齋南紙印刷局製印

原均合入志以不沒其善若夫卿士大夫懿行微履各從疏於鄉紳後孝子貞婦蒙褒獎者一併附錄是集始於新秋逾月而成余信手筆其巔末聊識編次時日且以告後之人宜稽查版籍所司毋令焚棄將有繼葺或易爲力若曰敢於操觚竊比作述斷不致若斯之妄也

崇禎四年歲在辛未仲秋吉日承德郎兗州府管糧通判署陽穀縣事直隸清苑李文林書於東魯別駕之署

重修陽穀縣舊志序

歲辛亥爲

今上御極之十年予以丹徒學博奉

新令量移備員茲土甫下車見邑治在頽垣敗瓦之中逋欠積五六年冊籍漫無可考求所爲山川土田人民錢穀及一切創垂沿革之舊蔑如也因思治亂異轍今昔殊規而章往詔來使前者有可稽後者有可守則莫善乎志於是欲以討求故實爲任謀之諸薦紳出舊本殘缺漫漶不可讀又以稽逋鷹集日事徵繕未遑也會

朝議允公輔請徵志諸郡縣將勒爲一統全書檄旣下又烏能已已爰取舊志而釐定之踵舛承譌悉加是正又爲之沃其蕪飾其僂補其殘佚增其未備凡所著例雖不整於前人而條分縷析各歸部伍罔濫罔漏亦庶幾乎一邑之良書已雖然時移物換代有變更鼎革以來惟畫疆分野山川形勢如

陽穀縣志

卷之一 序

八

濟南翰墨齋南紙印刷局製印

故耳外此則今與古不作矣是故城池猶是也而堅瑕異風俗猶是也而淳薄異物產猶是也而登耗異戶口土田猶是也而贏縮沃磽異賦稅徭役猶是也而增損繁簡異公署廟壇橋梁之屬存其名矣而存其實者或寡名宦先賢孝義節烈之屬爲之前矣而爲之後者或寡文辭題咏之屬得其似矣而得其真者或寡司牧於此因時制宜古今異劑其可執紙上之言泥拘墟之見而不思所以改絃更轍乎哉予用是置之座右取而討論之兢兢焉懼溺厥職亦冀時生於斯宦於斯者披是書而畫有省夜有思城池何以繕戶口何以聚土田何以墾賦稅徭役何以復先朝之舊公署之宜修者幾何所廟宇橋梁之當復者以何爲先厚風俗而培物力者何道之從也古蹟何以復災祲何以不生畢然而望者何代之墓名宦鄉賢之可法者幾何人文辭之不謬於聖人者何氏之子乎孝義節烈之勿衰又何方以興起之也如是則一邑之志修矣一邑之事亦舉予不佞有厚望焉若曰審其病者語其方

察其敵者豫其救坐而言焉可起而行焉予非其人也  
康熙癸丑春王正月文林郎知陽穀縣事皖桐王天璧謹識

陽穀縣志

卷之一 序

九

濟南翰墨齋南紙印刷局製印

序

穀志修於癸丑前令王君天璧距今四十餘年矣其間景物興廢之殊風俗今昔之異戶口盈虛之不一天時祥稔之不齊以及名宦鄉賢孝義貞烈之踵接凡所宜志者要亦不尠而天時不書人事不紀非學士大夫之責而誰之責歟余於庚寅歲來蒞於茲撫卷慨嘆輒欲謀所以修輯之會建倉繕城日逐逐於庀材鳩工之末而不遑及甲午秋

郡大人纂修郡志下令州邑各修志以上余奉檄欣然集邑紳士而授之以舊志令各舉所知以續之復設局於學使廣文董其事紳士續成上於廣文廣文校讐詳核而後進於余余復手自校閱日繼以晷值澤旺寇邊奉檄採辦軍需中間旋作旋輟者凡數閱月訖今春而告成嗟呼志固不易修修志亦不易也余後王君四十餘年而來猥欲接續四十餘年之事保無有掛一漏百之譏所自信者諮詢必周考據必核甄別必嚴不敢以私廢公不敢以陽穀縣志

卷之一 序

一〇

濟南翰墨齋南紙印刷局製印

疑傳信舛訛不敢襲終始不敢懈而二三紳士亦皆不我棄多聞見者以所聞見進多才藝者以其才藝効操觚染翰各奏爾能庶幾千腋之裘矣若夫修飾而潤色之則仍有俟夫後之君子而或者謂余楚中人也其猶有左史倚相之遺風歟噫左史倚相豈余所敢望耶若前令天璧王君則固吾宗之先達者也薪火相傳吾其爲彪固乎是爲序

康熙五十五年歲次丙申孟夏陽穀縣知縣加二級楚郢王時來謹識

# 重印陽穀縣志序

夫志者政之紀也存往昭來以辨物土以觀民風以資吏治蓋在郡邑弗可闕焉己卯歲冬十月余始至陽穀承凋弊之極欲圖經理之方漫無可稽歲餘以志訪於鄉大夫僉謂邑志創於明成化中由邑令孟純纂修未竟梓至明嘉靖十五年始經邑進士李際元鏤版迨後經明萬曆三十四年崇禎四年清康熙十二年康熙五十三年計前後共六次增纂修訂始底於成卽今傳本之八卷三十門也六次以後數百年無續修本民國二十年後曾議重修未竟事而國家多故不惟續修中輟卽舊本亦將湮泯殆盡有是哉茲邑之闕也夫籍以載典典以昭式政之大節也昔者孔子論三代之禮惟文獻是徵蓋重之也若爾頽廢後將何徵因謀諸邑紳等搜集舊本重印藉以昭存獻典而垂範來茲復將邑孝廉孔仙洲修志未竟之遺稿附於後俾得將所載康熙五十三年以後歷乾隆嘉慶道光咸豐同治以至光緒中葉凡

六代一百七十餘年之文獻可徵以待第七次重修陽穀縣志之典料夫是雖重印本也豈其文具已哉余又謂有思道焉於建置方輿見形勝之概焉可以思守於土田物產見稼穡之艱焉可以思節於職官名宦見責任之重焉可以思勸於學校人物見化成之本焉可以思興於鄉耆封蔭見賢哲之光焉可以思重於孝義貞烈見人文之貴焉可以思懷於藝文古跡見典籍之奇焉可以思考若乃戶口之敝力役之繁經費之多又余夙夜深思亟欲扶持而全安之者也夫豈徒作重印之舉而已哉第恐闕之有年搜集重印於一旦未免襲陋就簡而於民生利害所關未必能籌畫曲當可以傳之有永也是又俟將來大雅君子重修志書時而有所規正焉

中華民國三十一年歲壬午仲春

孔仙洲先生遺稿原序

曩嘗在鄰縣與修志書司事者教之曰今茲之役酌有四宜一舊志序文太繁每修一次二三四五篇不等辭意皆大同小異茲宜彙爲一序悉載其年代姓名以不忘厥初不沒前人之勞以下卽叙今茲續修略明大意不必篇篇梨棗令閱者開卷生煩一歷代誥命俱係典重之文官最尊者敬錄一二以見體例示勸勉其餘擬於各名下謹註封某大夫某將軍勿敢連篇累牘令閱者不敬懼褻也一建置古蹟人物諸志隨其所知暢所欲言不必拘拘體例分類疊出令閱者翻前覆後憚於疲勞凡此不可病前人之煩彼時事少不得不引伸重疊湊成卷帙今則宜簡而明也一敘次完後監刻者監刷印者宜打疊精神力求清好勿復如舊志模糊令閱者恨恨無從校正也鄙因與同事者敬謹從令書成之後閱者果多稱快退而自維竊不能無意於吾陽穀也陽穀舊無縣志明成化中邑侯孟公純與一二耆宿經始搜羅艱

陽穀縣志

卷之一 序

一一一

濟南府陽穀縣印局製印

難草創輯錄成帙尙未梓行閱五十年至嘉靖十五年丙申邑侯劉公素始暨邑進士李際元纂輯鏤版又七十年至萬曆三十四年丙午邑侯范公宗文增脩又二十餘年至崇禎四年辛未署邑侯李文林補續又三十餘年至本朝康熙十二年癸丑邑侯王公天璧重修又四十一年至康熙之五十二年甲午寰海鏡清方隅砥平太平之盛自三代以來未之有也兗州府尊金公一鳳字子翔由順天拔貢來守聖賢桑梓凡魯邦之古蹟天下之偉觀煥然一新彪炳千秋者金公之功十居其九以兗州府志先修於明嘉靖時東阿于公慎言續修於康熙二十二年張太守鵬翮乃踵厥事先檄行所屬各修縣志時陽穀縣尊王公時來湖廣鍾陵歲貢生也第六次繕修爲卷有八部有三十日建置疆域分野形勢城池山川橋梁風俗都社戶口土田附雜課物產爲一卷廟祠公署職官爲二卷名宦學校人物附鄉賢封蔭爲三卷孝義貞烈隱逸武備古蹟古墓坊碑寺觀災異爲四卷藝文爲五卷六卷七

卷題詠爲八卷書至五十五年丙申告成自是以來闕如者一百七十四年矣乾隆嘉慶重熙累洽物阜民安無事可紀道光末年南方始亂至咸豐四年甲寅粵匪過境黃河北徙十一年辛酉同治元年壬戌附近教匪蜂起土匪蟻屯兵燹蹂躪十餘年而後重享承平中間陵谷變遷紳民節義可知者不可以不記鄙因忘其菲陋仍從鄰志司事者之意略存梗概以待第七次重修陽穀縣之採訪云爾時光緒十六年庚寅邑後學丙子舉人乙丑大挑二等東平學正孔廣海仙洲氏謹識

陽穀縣志

卷之一 序

一三

濟南翰墨齋南紙印刷局製印

續印縣志序

余素列戎行未嘗學問然略識文卷大義曾於戎馬之餘披閱山東通志獨陽穀志書闕如深爲遺憾惟自有明成化年間邑宰孟公純創有草本尙未梓行至嘉靖十五年丙申邑宰劉公懷與邑進士李際元暨二三宿儒竭力採訪慇懃草創始得鏤板萬歷三十四年丙午邑宰范公宗文續修未竟崇禎四年辛未李公文林又補修之厥後世道變亂典籍文物強半灰燼至清康熙十二年癸丑縣令王公天璧旁搜遠攬始得原本重修之五十五年丙申邑令王公時來又續修之迄今幾二百年雖屢經翻印然未嘗增減一字其間風土人物之變遷恐歷時愈久文獻不足益覺無徵今邑宰董公治中兵燹之餘來撫是邑修浚城池以固守衛戡定四境以奠民生重修文廟以崇聖道亟亟以惠農勸學闢正風化爲先務尤以一邑史乘爲考核情勢端正風化之源在民國二十六年縣令楊霽峯曾設局從事續修歷時二載甫陽穀縣志

卷之一 序

一四

濟南翰墨齋南紙印刷局製印

經脫稿即罹兵燹所集之稿皆星落雲散無可搜求是舊者既多缺憾新者亦化烏有而又不忍邑乘之日趨殘斷因招余會商其事惟凋蔽之餘百物維艱一云正式續修則人文財力時勢際會諸感困澁因訪得邑孝廉孔廣海先生生前續錄縣志家藏遺稿四册自康熙五十五年續起至光緒二十六年止其間人物地輿兵農錢穀之類莫不備載爰集邑庠宿耆等審核舊志依類補綴於後又自光緒年間至民國來所有人物輿圖等之增移明而有徵者略事補增悉求簡實冀少缺憾復延邑拔貢張藥榜重加校定自民國三十年己巳閏六月從事計四越月告成爲目三十析卷十有六此悉本邑宰董公述而不作之意非云續修也如董公者於戡亂勤政之餘即留心史乘使我穀文獻於茫茫墮緒之中得綿一線於未絕仁人之用心至矣哉余粗武不文爰述巔末以俟後之君子覽是志而興起焉是爲序

中華民國三十年歲次己巳小陽月陸軍中將邑人雷長祿位廷序

監定

陽 穀 縣 知 事 壽 光 董 政 華

校閱

前陸軍中將直隸第二師師長雷長祿

校定

邑已酉拔貢前湖北通山縣知事張藥榜

校刊

邑庠生法政專門畢業東平縣法院檢察官任道明

薦任職前河北省五河水上公安局秘書薛春航

校錄

邑 庠 生 孔 昭 芬

邑 庠 生 徐 汝 霖

陽 穀 縣 志

卷之一 序

一五

濟南翰墨齋南紙印刷局製印

邑 庠 生 王 清 湘

邑 增 生 馬 雲 慶

邑 庠 生 趙 鴻 勳

省 立 堯 州 府 師 範 畢 業 郭 經 修